

Band XI., Nr. 5535, Seite 439-440

*Eberhard und Hug von Lupfen verkaufen ihr Gericht und Eigen in
Dautmergen an Werner von Zimmern.*

Ohne Ortsangabe, 1300. November 3.

Allen den, die disen brief gesehent oder gehörent, tûn wir Eberhart und Hug
gebrüder von Lupffen kunt, daz wir verköft hand unde vergehent, daz wir
verköft habent unser aigen gerichte und unser lûte ze Tutmeringen, unser
aygenschaft, die wir hettent uber den maier hof ze Tutmeringen, den wir
Eberharde deme Friburger von Rotwil ze köffenne gabent, unde unser aigenen
höltzer schüppossen ze Tutmeringen unserme ôhaimen Wernher von Zymmern
umbe zwaintzig mark silbers Rotwiler gewâges unde vergehent, daz wir dez
selben silbers von ime gewert sint gantzlich unde gerlich, ze habenne, ze
niessinne unde ze besetzenne von ime unde von sinen erben in allem deme
rechte, als wir unde unser vordern daz gerichte die lûte die aigenschaft über
den maierhoff unde die holtzer schüppossen ennenther gehebt und genossen
hant unde hant ime siu uff gegeben recht unde redlich und ane alle gevârde
und hant gelopt bi gûten trúwen fûr uns und fûr unser erben, daz wir in unde
sine erben diz gerichtes der lûte der aigenschaft über den maierhof unde der
holtze schüppossen wern súlnt fûr rechte ledigz aigen an allen stetten nach
rechte unde in niemer dar an geirren, dar umbe angesprechen, geschadegen
noch gemûgen súllent mit gaistlichem noch mit weltlichem gerichte oder ane
gerichte sus noch so. Unde daz diz wære si unde stâte belibe, dar umbe hant
wir baide unsrú ingesigel an disen brieff gehenket ze ainem urkûnde.

 Der wart gegeben ze Rotwil, an deme dunstag nach aller hailigen tag,
in deme järe, do man von gottes gebürte zalte drúzehenhundert järe. Und
warent an disem kôffe Berchtolt von Balghain, Hainrich der Bog, Eberhart der
Friburger, Bentze von Wolva, Johannes der Bog, Hainrich Schappel, Bernhart
von Oberdorff, Egeli der Bader, burger von Rotwil und andere biderber lûte
gnûge.

—

Nach Zimmer. Kopialbuch (I) von 1436, Bl. 123.

Überlieferung und Publikationen

Lagerort:

Fürstlich Fürstenbergisches Archiv in Donaueschingen

Signatur/Titel des Originals:

OA 24, II/5

Überlieferung und Textkritik:

HStA Stuttgart H 69 Bü 5, Regest Nr. 3 über obengenanntes Kopialbuch.

Weitere Angaben

Sprache:

Deutsch

Ausstellungsort:

Ohne Ortsangabe

Aussteller:

Eberhard; von Lupfen Hug; von Lupfen

Ortsindex:

Balgheim Wohnplatz (14013)
 Balgheim, TUT
 Dautmergen Wohnplatz (16341)
 Dautmergen, BL
 Herrenzimmern Wohnplatz (12229)
 Herrenzimmern, Bösing, RW
 Lupfen Wüstung (23423)
 Lupfen, Talheim, TUT, W
 Oberndorf am Neckar Wohnplatz (12383)
 Oberndorf am Neckar, RW
 Rottweil Wohnplatz (12416)
 Rottweil, RW
 Wolfach Wohnplatz (12069)
 Wolfach, OG